



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIALUNA 24 DI JANUARI 1966

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.

IMPRIMI PA: DRUKKERIJ "DE STAD"

# SPERANZANAN PA LOGRA PAZ NA VIETNAM A HANJA GOLPI DURU

WASHINGTON--UPI--E speranzanan di por certa pronto negociacionnan di paz riba e conflicto di Vietnam ta parse di a hanja un golpi duru cu e revelacion di cu e suspension di e bombardeonan aereo na Vietnam del Norte--cu ya tin un luna--no a logra desperta ningun interes ne comunistanan.

E declaracion publico tocante e rechazo aparenteme di e ofertanan di paz norteamericano a ser hasi ayera pa e secretario di estado, Dean Rusk, kende a manifesta cu Merca, "tabata tratando di tende otro sonidonan cu e explotacion di e bomnan, granadan y morteronan na Vietnam" Y e secretario di estado a agrega: "Ta duelmi cu mi no por

informa bosonan riba ningun con testa positivo ni alentador ne speranzanan di un mayoria abrumador di humanidad".

Rusk a manifesta cu a pesar di cu" nan tabatin tur clase di oportunidad pa hasie " e comunistanan no a responde favorablemente ne ofensiva di paz di e presidente, Lyndon B. Johnson.

E declaracionnan di Rusk den su conferencia di prensa di ayera por ser interpreta como un imposibilidad di cu gobierno ta studiando e conveniencia di reanuda en breve e ataquenan aereo, y e intensificacion di otro accionnan militar.

Den circulon diplomático di e ciudad aki nan a afirma, pa otro parti, cu nan no ta spera actualmente ningun decision importante pa parti di gobierno.

E impresion ta cu e suspension di e bombardeonan na Vietnam del Norte lo continua mas alla di e termino di e tregua di Aña Nobo Lunar, Vietnam cu lo caba diadomingo.



Riba e foto aki nos por mira un avion caza jet "Phantom" ta tuma combustible for di un avion tanquero KC-135 Strato-tanker durante un vuelo riba Viet Nam. Dos otro Phantom, fuertemente armá y yen di cohete bao di nan ala, ta wardando riba nan colega pa caba y asina nan tambe haña combustible. E Phantom por alcanza un velocidad di 1600 milla pa ora y tur ta ser usá contra e guerrilleronan Viet Cong - UPI Radiophoto -.

## BOM A EXPLOTA DEN EMBAHADA YUGOSLAVO NA COPENHAGUE

KOPENHAGEN--UPI--Un bom a rementa awe marduga den embahada di Yugoslavia, segun polis a informa. E explosion a kibra varios bentana di e edificio y tambe di e casnan bisinja, pero e no a causa victima. E bom, al parecer a ser poné den e heg cu ta rondona e embahada.

## MAS O MENOS CUATERCIEN SOLDA DI VIETCONG A ATACA SUDCOREANONAN

SAIGON--UPI--Cuatercien comunista di Viet Cong, bisti cu panjnan pretu y cu sombrenan a ataca ayera marduga un destacamento di marina di Corea del Sur, violando e tregua existente. E coreanonan a contraataca, mata 46 comunista den dos ora di combate cuerpo a cuerpo. E ataque contra e sudcoreanonan y algun encuertonan esposarico cu norteamericanonan y otro alladonan ta indica cu Vietcong nunca a intenta di incluan dene tregua di Anja Nobo Lunar, y cu su anuncionan di cesacion di e fuego a referi solamente na Vietnam del Sur.

E sudcoreanonan, miembronan di e unidad "Dragon Azul" di e brigada di infanteria di Marina coreano, tabatin ordennan di no persigui Viet Cong y di no disparea a menos di ser ataca, te na e experiencia di e tregua diadomingo proximo. Pa e razon aki nan a retira ne posicionnan di defensa den su campamento banda di Tuy Hoa, 385 kilometer na nordeste di Saigon.

E comunistanan a aparece inesperadamente banda di 1.40 a.m. protege pa e oscuridad y e awaceru intenso, y a cuminsa e ataque cu un descarga di granda. Ora cu nan tabata na mas o menos 15 meter di e campamento, e miembronan di Viet Cong a destrui e posicionnan coreano cu armanan di caliber chikitu y fuego di mortero. Debi ne confusion, e coreanonan

a bisa promer cu e trupanan di Viet Cong a usa elementonan civil manera escudonan humano, debi ne panja cu nan tabata bisti, y otro soldanan a drenta den e lucha despues di nan.

E forsanan di Viet Cong a precipita riba e puesto avanza di sudcoreano y pronto nan a desaloja nan defensoran. E coreanonan, reconocí como combatientenan, a reorganisa y contraataca. Den dos ora di lucha furioso cuerpo a cuerpo, nan dos fraccionnan a logra recupera y avanza.

Despues artilleria a drenta den accion pa apoya nan, y nana manda avionnan cu a lanza luz di bengala riba e zona. Cuat'or di marduga e forsanan di Viet Cong a stop di combati y a bai for di e campo.

**FATUM**  
Pa tur bo aseguracion  
Tel. 1245

## SERGEANT MERICANO A SER MATA PA COMUNISTANAN

SAIGON--UPI--Bom terrorista a mata un sergeant norteamericano y a herida otro dos solda den suburbionan di Saigon. Esaki tabata otro di e violacionnan comunista di e tregua di Anja Nobo Lunar vietnames.

E explosivo, cu a ser tira den un villa cu a bira alojamiento di militarnan norteamericano, banda di e aeropuerto di Saigon, a herida tambe cuater sudvietnames y a destrui dos edificio.

Un vocero militar a bisa cu e comunistanan a comete por lo menos 52 violacion di e tregua for di diarazon anochi.

E incidentenan comunista, incluso 15 ataque contra trupanan y villanan di gobierno vietnames y 37 forsanan allá, tabata den su mayor parti di menor importancia.

No obstante den un di nan mas o menos 400 comunista a ataca diabierna mainta un peloton di infante di marina vietnames. Cuarenta y cinco comunista a ser mata despues di un batalla recio di dos ora.

Patrullanan defensivo di e division aerotransportá 101 a ser ataca por lo menos tres blaha for di dia cu e tregua a cuminsa.



**WINSTON**  
CIGARIA CU FILTRO  
CU SABOR DI TABACO RICO

## VINAGER

Selecciona, edita, comenta  
y presenta semanalmente



Pa Pancho Lopez

"Na e percentage cu e populacion ta creciendo na es momento aki, nos lo haya nos propios confronta cu un problema den lo tin demasiado hopi hende pa come, bebe, y bisti manera debe ser. Desafortunadamente, e avancen tecnologico no a reduci e desempleo riba nos mercado di trabao cu ya ta satura caba. Realmente e desempleo a aumenta.

Pa añanan caba científiconan, gobiernonan y sindicatonan ta studiando e problema grave aki cu ta di suma importancia pa humanidad. Un di e resultadonan di es estudio aki tabata un campaña tremendo pa planificacion di familia; cu otro palabra, un pareha mester planea e grandura di nan familia. Demasiado hopi jioe por trece sufrimento y trastorno pa tur miembro di familia. Mayormente tin e deber moral pa cria, bisti, stima y studia na un manera adecuado tur e jioenan cu nan ta trece den mundo.

Ningun hende por bisa un otro cuanto jioe e mester tin of cuanto jioe e por cria. Tampoco ningun hende por bisa un otro kiko e ta sinti ora e tin hamber of ora e a biba preta cu cantidad di jioe den un espacio chikito. Un hende mester pasa hamber y miseria basta tempo pa por compronde es sentimentonan aki. Ya caba hopi lugar na mundo ta yenando cu demasiado hopi hende cu ta cuminsa conoce e problema, presion, dolor, y miserianan di bida den un lugar cu demasiado populacion. Nos mes comunidad recientemente a sinti e crisis y casi un desaster pa motibo cu tin mas tanto hende cu e economia por soporta adecuadamente.

Den famillanan cu ta bira mucho grandi casi e mesun cos ta sosedo. E tata di familia por cria solamente tanto y no mas. E tata di familia por haya un tendencia pa sufrir un colapso of fada di situacion. E mama por bira desesperá y depresioná y tin posibilidad cu un di nan of tur dos por cuminsa bebe pa purba lubida e problemanan, y esaki ta masha hopi blaha e fin di tur speranza pa felicidad y exito di un familia. Mira adlantí! Planea bo familia di acuerdo cu bo capacidad fisico, mental, emocional y financiero, en vista di e mundo competitivo cu nos ta biba aden. Tin hopi metodo cu por asisti bo den planificacion di bo familia. Consulta cu bo doctor cual ta di mas mihor.

Manera cu a worde bisa promer, populacion mucho grandi por nifica un desastre den hopi sentido. Planea adlantí! Dicidi bo futuro. E por ta grandioso!"

E articulo interesante aki, cual den su totalitario mi a publica aki riba, por a worde lesa den "Noticiero di IOWUA" di luna di Nov. Dec. 1965. Promer mi sigui cu mi comentario tocante e articulo aki mi kier bisa cu ta di spera cu e articulo a hanja e atencion cu e merece y cu especialmente tatanan di famia y mamanan a tuma bon nota di e mensahe grandi cu e articulo ta contene.

Ta di aplaudi e corahe cu cierto personanan tin pa presenta e punto delicado aki na publico, especialmente na e tatanan y mamanan di famia, kendenan ta enfrenta e problema di caracter mundial menciona aki riba.

E crecimiento demografico na Antillas segun ultimamente mi por a lesa ta tres porciento pa anja. Esaki pa e situacion economico, di nos islanan ta algo cu por resulta desastroso. Nos islanan te ainda no tin e medianan pa absorba e crecimiento aki. Apesar cu tres por ciento como cifra no ta mustra asina hopi, e aumento ta cu casi cuatro mil persona pa anja. Pesel si nos tira un bista den futuro y un futuro asina leuw pero ey mes nos dilanti y keda realistico, no ta algo extraño si accepta cu si e crecimiento demografico na Antillas sigui manera cu e ta bajendo awor aki, por bai causa hamber y hopi sufrimento. Nos ya caba por constata e problema grandi cu gobierno ta infrutando door di e desempleo, cual no ta bira menos pa motibo entre otro di e crecimiento demografico y na un otro banda e programmanan di lay-off di cierto companianan. Di otro banda e situacion demografico, si nada no worde haci pa controlé por resulta desastroso; pues nos mester tene bon na cuenta cu e pueblo Antillano ta un pueblo cu promedianan di edad hoben, esta den e anjanan cu e mas posibilidatnan di produccion di descendientenan. Relativamente esaki ta nifica cu e expansion demografico anualmente por bira hopi mas grandi cu e ta na e momento na Antillas. Esaki ta algo cu ya tin e atencion completo di nos autoridadnan, nan ta mira e dificultadnan grandi cu tin den e situacion aki.

Sin embargo nos no por keda sinta man ariba otro y spera ki dia pueblo cada un individualmente lo tuma e decision pa cuminsa planifica su famia. E pueblo Antillano falta di hopi informacion ainda ariba tereno di sexualidad-sociologico, especialmente nos hobenan, pa nan mes por realisa e peliger di un familia mucho grandi en relacion cu nan estado financiero y social. Di otro banda na Antillas tambe ta reina e "fantasma" Latino, especialmente den e cabez di e tatanan, cu mas yul nan tin, mas homber nan ta. Esaki ta un fantasma cu tempo Aruba tabata florece por a worde manteni, pero den e tempo aki esaki por resulta e fantasma cu ta caba cu henter un familia su felicidad, un fantasma cu por pone criaturanan inocente sufrir, tata y mama perde cabez pasobra nan no sabi con pa cria nan yuinan. Y den e tempo aki no tin mester pa esaki sosode. Si bo hanja cu bo lo hanjabo den dificultad si bo familia bira mas grandi, si bo senjora hanja mas yul, anto papia esaki cu otro mas mihor ainda boso dos bai hunto cerca bo dokter y spiké boso situacion y mi no ta duda cu un dokter di buena fe lo dunabo e mihor conseho cu e por. Si bo warda te dia cu autoridad aproba of propaga esaki, na promer lugar bo ta hunga cu e felicidad di bo familia si bo no por cria nan bon y duna nan bon educacion. Na di dos lugar lo bo pone bo yuinan sufrir. Enberda cu hopi discusionnan ta tuma y a tuma lugar den circulan di iglesianan, gobiernu y sindicato, pero pa motibonan no realistico, mas bien basa ariba ideologia, desicionnan concreto no a worde tuma. Naturalmente ta cada persona individual su propio consenshi tin di disidi den e caso aki. Pero percira tambe pa majan bo consenshi no remordebo ora cu bo ta mira bo yuinan ta sufrir di hamber, pasobra bo no por gana bastante pa cria ocho (anto tabata bo deber pa planifica esaki di antemano y ora cu bo a mira cuta difícil pa cria cinco, no a pone tres mas na mundo) Pues como responsabilidad di tata y mama, e Todopoderoso no a du-

# Ovacion enorme pa "Posada di Amor" den Centro Cultural



E fotonan aki riba ta mustra nos algun escena di e comedia "Posada di Amor" di Mascaruba, Cual diabierna anochi ultimo tabatin e premiere oficial, den Centro Cultural. E promer anochi tabata un sala yen completamente. No tabatin ni un kaarchi mas. Asina cumpra bo kaarchi pa e proximo presentacion na tempo.

ORANJESTAD - E estreno di e di nuebe comedia na paplamente di "Mascaruba" a bolbe causa ovacion tremendo. Merecidamente e actornan di Mascaruba a para tende e ovacion cu a sali for di e sala, despues cu e di tres acto a termina.

E comedia di e Italiano, Carlo Goldoni cu e titulo original "La Locandiera", a resulta un prueba duru pa Mascaruba.

E preparacionnan pa e comedia a worde haci pa e miembronan mes, mientras e toque final tabata den man di director di es-

cena di Sticusa, sr. Maxim Hamel. Un biaha mas Mascaruba a demostra cu e ta un grupo cu tin un tesoro di talentonan den su seno: Un di nan, sin duda, ta sr. Oslin Boekhoudt, maestro di school di profesion y solamente algun anja den e mundu di comedia, kende tabata encarga cu direccion di "Posada di Amor". E comedia a worde presencia entre otro pa e gezaghebber interino I.S. de Cuba, diputado D. Tromp, y esposa, secretario insular A. Bool Jr. y esposa, e decano di e cuerpo consular sr. S.N. Ecury y otronan.

E comedia ta basa riba un dama donjo di un posada, y kende ta masha hoben, bunita y ta posee un caracter alegre, pero kende tambe ta sigur di su mes y ta masha bispau.

Mirandolina, nobre di e dama aki, a sabi di horta corazon di e caballeronan nobo, pero tambe a percira pa tur hende keda na un distancia y hasta a laga nan haci payasada cu su actuacion.

E comedia ta consisti di tres parti y e actornan: Rafael Tromp como Marques di Forlipopoli, Marcel Tromp como Conde di Alafiorita, Geechi Pietersz como Fabrizio, Mirtha Dirksz como Mirandolina, Ronny Maduro como baron di Ripafata, Oslin Boekhoudt como Pirro, cria di e baron, Helena

Britten e Iralda Gomez como Dejanira y Ortensia, dos hungador di comedia.

Susanna Gutierrez a actua como soufleuse, Guenther Bosse a percira pa e iluminacion, e decoracion tabata den man di Hose Tromp y Cor van der Wurff, mientras e prenanan cu a ser usa tabata di Spritzer & Fuhrmann, muebles di sr. S.N. Ecury y srta. Ninna Britten, pelucan pa e damanan di Maggy's Beauty Shop.

## Peliculan

DE VEER: 8.30 p.m. "The Secret Invasion" 18 j.  
RIALTO: 8.00 p.m. "Touch of Evil" 18 j.  
PRINCIPAL: Under The Yum Yum Tree" 18 j.  
AURORA: NO MOVIES  
SAVANETA: 8.00 p.m. "Gun for a Coward" 18 j.

## 10 CLUB CABA PA COMPE TI PA REINA JUVENIL

ORANJESTAD - E comite juvenil di carnaval ya a ricibi inscripcion di diez club cu lo participa cu nan reina den eleccion pa e reina juvenil di Aruba. E eleccion y coronacion di e reina aki lo tuma lugar dia 11 di februari den Eagle Club.

E clubnan cu ya a inscribi ta: Cursus Succes, Orquidea Club, Centro Juvenil Tanki Leendert, Spes Patriae, Madiki Country Club, Connie Francis Teeners, Tivoli Club, Caribe Club, Juliana School y Colegio Aruba.

## TRAFICO DURANTE WEEKEND

ORANJESTAD - E trafico durante e fin di siman, a laga un danjo material di Fls. 4885,- atras. Tabatin un total di seis choke.

Diasabra atardi tres'or y mei un auto a baha for di caminda, na altura di misa di Noord, y a laga un danjo material di Fls. 2000,- atras. Un persona a worde seriamente herida y dos otro a hanja heridanan leve.

Den anochi di diasabra pa dia-domingo un otro auto di famia a boltu den Boerhaavestraat, lagando un danjo material di Fls. 2500.-- atras. Un persona den e auto a worde levemente herida.

na nos e don unicamentepa mantene e rasa humano existiendo, pero tambe pa mantene un rasa humano digno, sin mester di sucumbi door di miseria. Un miseria basa ariba hamber y sufrimento for di cual en majoria parti ta sali maldad, revolucionan sangriento, guerra, tension etc. Ta bira tempo pa nos stop di ta negativo encuanto planificacion di famia.

"Esnan cu pa un motibo of otro por yena nan bariga unicamentepa mitar, ta biba mitar bida tambe. E desgracia cual ta worde causa door di hamber pa asina tanto hende na mundo, no unicamentepa por worde hustifica moralmente, pero esaki ta tambe un peliger serio pa orden social y paz internacional".

Plania bo futuro y di bo yuinan. Bo familia merece un bon futuro y den sintido di planificacion familiar, na Aruba tin varios dokter cu por consehabo e mihor manera.

# SECCION JURIDICO

NA BIENESTAR

DI NOS COMUNIDAD ARUBANO NO 19

PRESENTA TRES BIAHA PA SIMAN

• E articulonan aki no por worde multiplica bao ningun forma, sin previo autorizacion di e autor.  
 • Arubaanse Courant y e autor nota responsable bao ningun forma pa mal aplicacion of mal interpretacion di e articulonan aki.

Sueldo pagá ora ta culpa di e patron of ora e ta strobá.

1614/N. 1638d E obrero no ta perde su derecho riba sueldo stipula pa período, si e tabata dispuestoto pa hasi e trabao combini, pero e patron no a hasi uso di su servicio, seapa su mes culpa of aunke cu a concecuencia di motibonan personal, casualmente e tabata strobá. (E reglanan di partidos, cinco, seis y siete di e articulo anterior ta aplicable.)

**EXPLICACION**

E articulo aki ta un excepcion riba e regla di articulo 1614b, esta, cu si un obrero no traha e no tin derecho riba sueldo, pero manera mi a splika bao di articulo 1614b tambe, e patron ta obliga na paga e obrero su sueldo, den caso cu e obrero ta dispuesto pa traha pero e patron no ta dispuesto pa laga e obrero traha. Solamente den caso cu e patron ta den un circunstancia cu por worde considera como "fuerza mayor", e no ta obliga na paga e sueldo.

Por ehemplo: Como cu Maria Hemelvaart ta undia di fiesta especificamente pa catoliconan y no pa cristianidad en general, tabata un obligacion di e patron pa avisa su obreronan, cu riba dia di festanan catolico no ta traha den su empresa. Awor cu el a keda sin avisa nan y nan tabata dispuesto pa traha e dia ey, e mester paga nan e dia di trabao ey.

Pa motibu cu 56 di e 63 obreronan no kier a traha e di tres dia di Pentecosto, e patron a hanje obliga na considera e dia ey como un dia di vacas cu sueldo paga. Dos obrero no tabata di acuerdo cu e solucion ey y a dicidi di tuma vancansi di Pentecosto cu nan tabata kier traha pero cu e patron no tabata dispuesto pa acepta nan servicio. E dos obreronan aki a perde e caso, pasobra a worde huzga cu fuerza mayor a stroba e patron di hasi uso di nan servicio.

Si un patron a hanje obliga na stop e trabao, pasobra un parti di e obreronan ta strike, esaki no ta un "motibupersonal cu casualmente e ta hanje stroba", a no ser cu e patron ey razonablemente lo mester a acepta e exigencianan di e obrero, cual den e caso aki e no a hasi. Cu otro palabra, si e patron a acepta e exigencianan razonabel di e obreronan y nan a keda sin traha toch, pasobra nan kier pa nan otro exigencianan worde acepta tambe, e ora ey e patron lo no ta obliga na paga e dianan di strike.

Alcontrario cu e ultimo caso aki a worde disidi, cu "un motibu personal cu casualmente e patron ta hanje stroba", no ta existi, ora cu un parti di e obreronan ta strike y e patron ta hanje obliga na stop e trabao.

E patron den e caso aki no tabata obliga na acepta e exigencianan di e obreronan cu ta strike. Den e caso aki e exigencianan lo no tabata razonable.

## FLOYD ROBERTSON TA BAI MEXICO

GLASGOW, Escocia, --UPI--E campeon di boxeo di Imperio Britanico den peso pluma e gales Floyd Robertson, manjan lo sali pa Ciudad de Mexico pa enfren-

ta e mexicano Vicente Saldivar pa e titulo mundial di e categoria, segun a ser informa ayera noch.

Robertson a yega Londres, procedente di Ghana y a bula pa Escocia den compania di su entrenador Ginger Ardafulo, mientras el a ser ricibi na aeropuerto pa su manager Sam Docherty.

# CARTANAN NO ENTREGA NA SAN NICOLAS

A. Rupert Alexander; Dorothy Arrindell; Josephine Arrindell; Goergette Arrindell; Olive Arrindell; W. Arrindell; Elaine Antoyan; Evelyn Antersyn; Williams B. Adams; Maurice Arrindell; Templo Adventista; Maria Anthony y Familia.

B. Elba Bardy; Estello Berkel; L. Bristol; C. Brinkenber; Gloria Blijden; Jim Brysen; Clarita Bryson; Eliza A. Bryson; Flora Bally; Perseus G. Brown; A. Brederode; Linda Bryson; Muriel Brooks; Paul Berkel; V. Boekhoud; Alfred E. Brown; Mr. Mrs. Bell and Fam.; C. Brooks; Rose Bryson; Adelina Brooks; Fam. Bakboord; Rosa Brown; F. Blijden; Darrel Browne; Edwin Bertran; F. Bwatoe; Wilhelm Busby; Gloria Brooks; F. Baptiste & Fam.; J.R. Bourbonniere; Lalie Brown; Vivien Bernadina; Florencia Blijden; Alberta Burke; Louisa Brown; Maria Brete; Beatil H. and family; Ismay Bain.

C. O. Croes Croese; Anival Connor; Elvio Cathalina; Irene Charles; Claudia Croes; Christine Cartar; H. Cybul (pp); E.A. Cornfield; Mr. & Mrs. Conner & Fam.; Lydia Clark; Ludwina Croes; Ulrica Cullingford; Modesto Clemencia; E. de Cuba Chance; Jose Coffee; Carren; Dora Cornett; Nora Collens; Ingrid en Carmelita; A. Carpay Kriek; Anselma J. Croes; Aura Creretz; Olga Cranston.

D. Antonine Dunkert; Bernadette Douglass; J.M. Dossett; Doris Duncan; Mary David; G.M.J. Doornspeek; Mr. & Mrs. Danja; Muriel Doncker; Annie Dubero; William Albert De Windt; J.A. Dollison; Ernestina Dirskz; Bernadeth en Simonie Dents; Inniss Duncan; Henriette Donker; Chico Dijkhoff.

E. Essy Enser; Elfrida Ellis; Margriet Emerenciana; S. Van de Erde; Mr. & Mrs. Enrique; Mr. & Mrs. John Eraudquin; E. Irene Flanders; Sira Flanders; Noreen Finley; Helena Flemming; Gladys Frans; Louisa Jones; Anna Heyliger; R. Falbru.

G. Pansy Gordon; Agnes Gully; Martha Gumbs; Gilbert and Fam.; M.D. Gibbs; Robert Gartner; Veneranda Geerman; Leonie Gibbs; Ceclia Gay; Ev. Br. Gem; Angelica Geerman; Mena Germin; Rafael Gibbs; V. Gibbs; Claudia Gordon; T. Gumbs; Jacqueline Gibbs; Astelle Gumbs; Dodredge Glasgow; Bernadine Gumbs; W. Gilhouse; L. Gumbs.

H. Effie Halley; Marue Hutchinson; Udine Hutchinson; Elizabeth Heilbron; Paul Van Heyningen; Margret Hodge; M.L. Hoft; Rudolph Hickinson; Charles Hodge; H.A. Helligs; Mr. & Mrs. Heyns; Mr. & Mrs. Hassell; J.A. Her-

nandez; L. Heyliger; Marianne Halman; Dennis Halman; Florence Hodge; Albertha Hodge; Austin Hodge; Vanirian Howell; Far Haynes; Mr. & Mrs. Van Heyningen; Josephine Hector; Louis Hunt; Maude Heyliger; Evelyn Hassell; C. Hassell and Fam.; Mr. & Mrs. G. Hodge and Fam.; Wilhelmina Hutchinson; Hermine Holliday; Andrea Hazel and Fam.; Mr. & Mrs. James Heyliger and Fam.; Anna Heyliger; F. van Zalthemmel Welvaart; Candida Henriquez;

I. Etlyn Isidora; Lourencia Inosencia; Jean Illidge; Louise Illidge; Raymundo Isabella.

K. Fam. Kleberg; Carlos Keizer; J.C. Kleberg; Juan A.E.J. Kock; Ch. Kleberg; Ramon Koelman; Monique Y. Kock; Maggie King.

L. W.F. Loor; Gallieni Lakr; Angel Lake; Ch. Leggitt; Morris Lejuez; Linda Lispier; Juluse Lake; Hilda Leito; Cleave Lake; Mrs. Lucy; Irma Leurs; Johannes Lake; Fernando Laban; Rosalende Lints; Judaly Lindsay; Augustin van der Linden; Fam. v.d. Linden en Tromp; A.A. Lebenstone; Anna Lopes; J.E. Louison; Joyce Lejuez; Irma Limon; Ionga Lyvelst; Luis Leanez (R); M. Mr. & Mrs. Berkel Moise;

M. Lucrecia Maduro; Tina Maduro; Mary Maxwell; C. Murray; Clotildo Thiel Maduro; Anadia Maduro; Maria Maduro; Cornelia Marucheau; R.S. Morris; Cherry Maduro; H. Maasdamme; Lucy McKie; E. Milliard; Francisco Marrinburg; Mr. & Mrs. Milliard Robert Milton (R); F. Muller; Zahira Muller; Alexander Marlin; Mr. & Mrs. Mandt; Ruben Maduro; Carl Murry; Eileen Milliard; J. Maduro; Mary Mitchell; Hector Martina; Terry Maduro; Carmen Melkon; Mr. & Mrs. Martineau; Georgina Mancilla; Aldith Martinbaar; Susan Maduro; Viola Martin; Sira Maduro.

N. P. v. Niel; J. Nomes; Ralfino Nicolaas; Kenneth & Edric Nisbeth; Sarah Nicaria; S. Nibbert; G. Noldus; Nagden.

O. E. Oosthuizen; Antonuis O-verdijk; Johannes Ooms; Violeta Ozenna; Rumold Delario Oresco; G. Olthof; Sophia Oysterman; Mary O'Garro; Victoria Otway.

P. Josefa Puelotte; Harriet Phinley; Emily Peters; G.L. Phillips; Juanita Pantophlet; Beatrice Pantophlet; Monica Peters; Luis Paula; Daniel. V. Pollard; Heer & Mevr. Pieters; Crispo Pieterrella; Stanley Van Putten; Amos Phillips; Mirna Pena.

R. George Richardson; Albert Richards; Nita Ras & Family; Christobal Richardson; Ann Richardson; Max Rumpet; Vinton Roumou; Peggy Ruiz; Irnea Ras de Cuba; Dorothy Richardson; Tito y Ena Rosina; Dalsy Raeburn; Decema Richardson; F. de Ruiber; Cynthia Romney; Ramira Ram Ramkarakk; Barbara Richards; Wilfred R. Rosario; Pearlina Rogers; Beatil Rombley; Alfonso Richardson; Liesje Richardson; Christine Richardson; Ulrica Rogers; Mary Robinson; Nancy Revelet; Theresa Ross;

S. Fam. Stooten; John M. Siegers; Schuur Engel; Rose Scotliffe; Familie Schut; Leonora Salomon; Genoveva Sambre; Mr. & Mrs. Sylvester; M. Salmons; John Smidt; Birinja Suarez; Juriena en Yvonne Snijders; Arnold Saunders; Louise Sandy; L. Steede; Adagia Scott; Mr. & Mrs. V. Smith; Marcelina J. Sanchez; T. Lilian Theysen; Martina Tromp; G.M. ten Thije; Olivia Thode; Nor a J. Sheu A Tjon; Rudy Tromp; L. Tjon A. Tjon; J. Thiel; Paula Thompson.

V. Maria Vernon; Mr. & Mrs. Wincent & Fam.; E. Vanterpool (Pp); Faustina Vorst; Voogd; Rebecca Vandenberg; Alice Viole-nes; Carmen Valdez; L.J. Valsuer; Rosa Vrolijk; Sarah Vlaun; Fam. A. Vos; Fam. De Veer; Fam. Vreer.

W. Mr. Williams; Paulita Windefelde; Leticia Wilson; Mary Wilson & Fam.; B. Wever Y Fam.; Otheriel Wilhame; Irine Wellison; Bretta Williams; I.W. Williams; Jean Whittfield; Inez Wharwood; Maria Werleman; Louisette Wilson; Frida Winklaar; Gladys de Weer; Ceril Edmond Williams; Myrna Wouters.

Z. Freddy Zimmerman; C.J. van Zaltbommel.

## MARIETA CROES ELIGI REINA C.J.T. LEENDERT

PALM BEACH - Centro Juvenil Tanki Leendert diasabra anochi a eligi su reina juvenil durante un sensacional baile den Hotel

Basiruti. "Miss J. Tanki Le-der" pa anja 1966 ta seniorita Marieta Croes di 15 anja, kende a acumula un total di 176 punto.

Dia 3 di februari proximo, Marieta Croes lo worde corona y di tal manera lo e keda cla pa competi pa e titulo di reina juvenil di Aruba.

Diasabra anochi a termina como runner-up, srta. Diana Croes, kende a hanja 160 punto. E tambe tin 15 anja di edad.

E otro candidatanan cu aparticipa den e competencia, tabata Irene Tromp, Raquel Diaz y Yolanda Diaz.

Despues cu el a worde eligi, srta. Marieta Croes a ricibi flor for di Nanal Trimon y varios otro regalo. Luego el a balla e prome set cu e presidente di e comite juvenil, sr. Hubert Naar, kende ademas a actua como maestro di ceremonia.

E baile a worde anima pa conjunto "Los Principes" y Tanki Flip Steelband. A reina hopi interes na e baile, especialmente pa parti di turistanan.

- TELE-ARUBA
- 5.30 Cartoons
  - 6.00 Public Service Lago program
  - 6.30 Film Cult & Education
  - 6.45 Papiamento
  - 7.00 Tombstone Territory
  - 7.30 Papiamento Sportnews
  - 7.45 Peter Gunn
  - 8.15 Jack Benny
  - 8.45 English Newscast
  - 9.00 Film Cult. & Education
  - 10.00 Dutch Newscast
  - 11.00 TV concert hall.

Corda bon.....  
 Mi salario pa traha cu bo magnifico apartonan electrico ta costa solamente algun cen pa dia.

*Reddy Kilowatt*  
 Bo Sirviente Electrico



Tel. 2170



Cool, Clean Comfort

AIR CONDITIONER

with an ELECTRIC



Pa "Union Portuario Aruba" (UPA), e siman cu a termina tabata uno hopi movi. No solamente pa e cantidad basta grandi di bapornan cu a drenta, pero principalmente pa e hecho cu e equipo di softball di UPA tabata envolvi den un play-off cu "Casa Halme" pa dicidi kende lo bira campeon di Aruba den softball. Ganando e di tres wega cu anota-

cion di 13-8, UPA a konkista e titulo campeon diabierna anochi. E foto ta papia pa su mes. Despues di e partido y e pitamentonan den caya, e celebracion a continua den e clubhuis di UPA den Arendstraat, na unda e fanaticonan y tambe integrantes di e equipo Casa Halme a reuni pa continua cu e celebracion na un manera mas divertido.

## U.P.A. CAMPEON DI ARUBA DEN SOFTBALL MASCULINO

(Di Nos Redactor Deportivo)

E novena di UPA cu sensacional reaccion a duna un final dramático na e playoff pa e titulo di campeon di softball masculino ora cu nan a derrota Casa Halme cu anotacion di 13 carrera pa 8. Despues di ta perdiendo for di e propio promer inning te cu sexto, UPA a empata e encuentro den su ultimo oportunidad na bate pa luego den extra inning forma un rally di seis carrera cu a sella e victoria y e titulo pa nan. E repentino cambio di score a pone e fanaticonan cu ya a lamta pa bandona e stadion bin tuma nan asiento atrobe y keda sinta te ora cu e ultimo out a cai poniendo un fin na e wega.

Casa Halme como hometeam a tuma ventaha di cuater carrera den e promer inning. Promer carrera di UPA a worde anota den e segundo inning. Den e tercer Casa Halme a produci uno mas. Cada uno ta anota un biaha den inning number cuater poniendo e score na 6-2. E ventaha di cuater carrera di Casa Halme ta mengua te na minimo den e quinto inning ora cu UPA ta manda tres hungador home pa pone e score na 6-5.

Cerrando e sexto inning, Casa Halme ta score un biaha pa pone e wega na 7-5. Cu su ultimo oportunidad na bate UPA ta anota hustamente dos carrera pa empata e wega na 7-7, poniendo e publico tuma su asiento atrobe.

Casa Halme cu como hometeam tabatin tin un chens mas na bate a keda den blanco. E partido mester a bai den extra inning. Un rally di seis carrera den e inning number ocho ta pone UPA adilanti pa di promer biaha den e ultimo dos weganan. E ventaha grandi aki a resulta decisivo, ya cu Casa Halme cerrando e octavo no por a produci mas cu un carrera.

Den e forma sensacional aki e partido a caba pues cu score di 13 pa 8.

A cuminsa ta lansa pa UPA Ale Maduro, kende luego a worde cambia pa Sluggo Bryson.

Pa Casa Halme tambe tabata tin dos lanzador den accion. Paus Ruiz a cuminsa, pero a worde cambia pa Vero Maduro. Den e mes inning sin embargo Maduro mester a bandona e caha di lan-

sador pa Ruiz bolbe tuma e responsabilidad. Pitcher ganador a resulta Sluggo Bryson, perdedor Vero Maduro.

UPA tabata tin diesdos hit y cuater error, Casa Halme a conecta dies hit y a comete un error.

Asina a yega fin na un emocionante playoff di cual e fanaticonan di softball indudablemente a gosa hopi. E playoff mester a bai te den su maximo di tres wega promer cu e decision definitivo cai.

Den e mihor wega di e playoff, e promer hunga net un siman pasa, UPA a pika adilanti. Tambe na e ocasion ey tabata tin mester di un extra inning pa dicidi e wega y kibra un empate. E segundo wega a trece un facil triunfo pa Casa Halme empatando asina e serie. Y diaviera atrobe den extra inning esun decisivo a termina na favor di UPA, cu den forma mereci pues a bira campeon di Aruba den softball masculino.

Nos pabien na e novena di UPA pa e titulo obteni. Despues di e wega te den oranan laat di anochi y tempran di mainta e team di UPA den compania di hopi fanatico a celebra e titulo. Un bunita gesto tabata cu e hungador nan di Casa Halme a bai den e clubhuis di UPA pa duna nan pabien. Un nota humoristico tabata tin den e parti oficial di discursonan ora cu e presidente di Casa Halme Francisco Rincones a dirigi palabra, cu luego a worde contesta door di su ruman como dirigente di UPA. Esakinan ta ruman den bida real, pero tabata

tog un caracteristico di deporte pa trece rumandad entre e deportistanan.

Tambe tabata algo bunita di por a constata com bon acogida e idea di hunga un wega entre e dos novenan aki na beneficio di e hungador Ramon Korsen di UPA cu ta hospitalisa, a haja cerca tur e hungador nan di ambos team.

Muy probablemente e wega amistoso aki lo ser hunga e siman aki ainda. E intencion ta pa pone un wega di damas promer entre Los Vets y Zenith, dunando asina pues un programa di e cuater mihor equiponan den accion riba un anochi.

Ta di spera cu e idea aki lo hanja e apoyo y cooperacion necesario cerca tur e autoridadnan deportivo cu ta den posicion pa duna esaki. Manera ta conoci Ramon Korsen a sufri un accidente durante e segundo wega di e playoff y su siguiente dia a keda descubri cu el a sufri un fractura den su cara.

PRESENTACION AWE NOCHI.

E copanan na e diferente ganadornan awe nochi lo worde presenta den Wilhelminastadion den programa cu ta alaves clausura di e campeonato di softball. Lo tin dos wega di "Estrellas", uno femenino y otro masculino. Di e damanan a keda formados seleccion, uno cu hungadornan di e dos teamnan di San Nicolas Zenith y Dano Milk y e otro seleccion cu integrantes di e dos teamnan di Oranjestad Los Vets y

Marlins.

E hungadornan escogi ta di Zenith: Jeanette Hazel, Maria Romney, Glenda Haynes, Jacqueline Cijntje, Imelda Emers, Margot Muller, Lourdes Phillips, Susana Martinez, Marlene Hazel y George Diddler. Di Dano Milk Gloria Arnaud, Viola Farrell, Mavis Jacobina, Moes Martilia, Olga Muller, Editha Josefa, Maria Josefa, Aggie Schotborgh y Rinolf van Putten. Manager di e seleccion aki ta Sluggo Bryson y coach L. Pantophlet.

Pa Oranjestad a keda escogi, di Los Vets, Ilse Zaandam, Alida Westerburger, Mariete Smolders, Norma Richardson, Edwina Maduro, Wina Francisca, Sylvia Dirksz, Editha Felipa, Lidia Helder, Lydia Vilt y Greta Maduro.

Di Marlins Helen Malmberg, Shirley Winklaar, Judith Comenencia, Lillian Wiersma, Vilma Martis, Evelina Maduro, Angelina Ridderstap y Antonieta Kamperveen. Manager lo ta Vero Maduro y coach Francisco Chirino.

Pa e wega masculino, cu lo ta entre un seleccion di e teamnan di Liga Kibrahacha y di Liga Watapana, a keda escogi e siguiente hungadornan:

Liga Kibrahacha: di UPA: Ramon Reyes, Sluggo Bryson, Mario Mateo, Reyna Ido Reyes y Rosendo Aparicio, di Rainbo-Max gumbs, Romero Tackling, Francisco Vrolijk y Mirto Solognier, di Aruba Jrsv Victor Albus, Ro Agumbero, Donald de Windt y Eddy Ras, di Paxton: Feki Caster y Evidencio Kock, di Caribe: Eric Ponson, Leo Kuiperi y Frits Beaujon, di Real: Carlos Kwidama y Modest Kock. Manager lo ta Feo Ruiz y coach Bernardo Croes.

E seleccion di Liga Watapana ta forma pa: di Casa Halme: Efraim Brion, Horacio Oduber, Paus Ruiz, Vero Maduro y Ramon Guerrero, di Douane-Toko Tromp, Alwim Bergeijk, Juan Panneslek y Francisco Chirino, di Dakota Teeners Frank Richardson, Cederic Bronswinkel

y Hubert Kock, di Oasis: Leoncio Ridderstap y Janny Thijssen, di Karina: Marco Lopez, Franklin Odor y Jose Ras, di Pieter Schoen: Julio van der Bleezen, Miguel Tromp y Laureano Donati.

Manager lo ta Pantin Guerrero y coach Francisco Chirino. E promer wega lo cuminsa awe nochi pa 7.30.

E copanan lo worde presenta despues di e wega masculino.

## JUNIOR CHAMBER YEN DI ACTIVIDAD

ORANJESTAD - E Junior Chamber of Commerce of Jaycees, a habri anja yen di actividad.

Diabierne e segundo reunion di anja a ser teni den Sociedad Bolivariana. Un total di 16 miembro tabata presente, loke ta nifica un asistencia di 75 por ciento.

Un total di seis persona a worde eligi den e directiva. Vice-presidente a bira Hyacintho Geerman, tesorero Selin Swaen, Hubert Naar a keda encarga cu "Community Development, Sr. Francisco Maduro a bira "Leadership Director" y Emeterio Angela cu Public Relations. Sr. Modesto Ruiz a bira "Ways and Means Director".

E presidente di Jaycees, sr. Francisco Diaz, a dirigi palabra na e miembronan nobo di directiva, felicitandonan cu e nombramento. El a declara cu e apoyo di e miembronan y e comunidad en general por haci cu e anja aki lo por bira esun mas exitoso te cu awor. E cantidad di miembronan di Jaycees ta sigi crece. Recientemente sr. Jan Lobbrecht a keda instala como miembro.

# ARUBA CARIBBEAN HOTEL-CASINO

PRESENTS THE FAMOUS

"MR. SHOW BUSINESS"



**TONY**  
A GREAT EVENT!

DON'T MISS IT!

**MARTIN**

AND HIS  
TROUPE

AT THE KLOMPEN KLUB

STARTING  
TO NIGHT

THRU

FEBRUARY 6TH

SHOWTIME 9.30

EVERY NIGHT

BALI BAR  
CARLOS MONTIEL

# ARUBA CARIBBEAN HOTEL-CASINO

## CARTANAN NO ENTREGA NA ORANJESTAD

A. Aloysius, Felicia; Alexander, Olga; Abath, Sylvia; Arendson, Roy; Angela, Jacinta; Antilles Auto Supply Co.; Arrow Trading Co.; Atencio, Hugues.

B. Bonke, Zuste & Familie; Baerg, F.P.; Barre, J.P. (2st.); Bestwall Certain Feed Sales Corp; Boekhoudt, S.; Barry, Anselmo (2st); Benjamin, Maude; Better Business Bureau; Bowen, Br. (2st); Benitez, Pablo R.; Bareño, Soybert; Boom, Mrs. L. Kuiperi; Boosman, Mr. & Mrs.; Biezen, Marcellina v/d; Boekhoudt B. (dr); Boekhoudt, Mario Servasio; Berkel, Henrique; Broemer, Heinz; Bareño, Pedro; Brand, A.L.J. & J. Jemink.

C. Croes, Clotilda (rebut); Croes I.D.; Croes, Fam.; Croes, Leco; Croes, Yvonne; Croes, Fam. I.; Croes, Lucia, Rica, Iva, Elsi; Croes, Fam; Croes, Mirna; Croes Rosendo y sra.; Croes, L. (me); Cruz, Ana Maria; Croeze, Bertrand; Curiel, Annie; Cinderella; Constance, Victoria; Chase, S. & Fam.; Calli, Alberto & fam.; Chang, Kenneth B.; Caribbean Commodity Corp.; Common, Lucy (2st.); Charles, Eutina; Coffee, Jeanne.

D. Daes, Nasara; Dennise, H. Diaz, R.; Dirks, Familia; Dirks, Feliciano; Dirks, Veronica; Dorst, G. van; Dunnen, Meneer den; Duncan, Christina.

E. Elizabeth, Purcey; Emanuel, Louise; Emerenciana, Ingrid; Ender, H.R.H.; Eps, Fam. Linden van-; Etien, Eheila (2st).

F. Farro, Estella; Farro, Fam.; Fabus, Martin; Falcon, Eileen; Feliciano, Nicolasa; Fernandes, Rupert E.; Frank, Fam.; Franken, Fam.; Franken, Girigorio; Frederici, Elca.

G. Gabriel, Richard; Garrido, Fam. Carlos; Geerman, E.; Geerman, Glenda (2st); Geerman, Hedroiges; Geerman, Lidia; Geerman, Nicolina; Gibbons, Lina; Gill, Mr. & Mrs. John F.; Goeloe, Edison; Guerrier, Saintulia; Gusman, Maria (2dr).

H. Hansen, Fam. A.; Harderdood, Norma; Hellement, Adriana; Henriquez, Mevr. M. Croes-; Herrlein, Walter; Heynen, B.; Hilgers, Sylvia; Hoeven, T.P. van der; Hodge, Maggie; Humphrey, Robby.

I. Ideal Cooler Co.; Irma, Señora; Elisabeth, Marin;

J. Jack, Mary; James, Albert Lucien; Janey, Elvira; Jansen, J.; Jansen, E. Ruiz-; Joli, V.; Joseph, Benjamin N.P.

K. Kelly, Belen Croes-; Kelly, Johannes; Kelly, Lodowica; Kelly, Lucia; Kock, Cerilio; Kock, Linda; Kok, Olinda; Kolk, R.T. v/d; Kolk-Hering, J.F. v/d; Klautry, Albert S.

L. Laake, Amete; Lacle, Magdalena; Lacre, Nona W.; Lake, Julian; Landman, P.; Laureore, Ancilla; Leer, S.J. (4st); Lemeilus, Reymundo, Lew, James & Fam; Lewis, Edith; Libier, J. Henriquez- (2st); Libertz, M.P.; Ling, Mr. & Mrs. Jimis; Lo-A-Njoe, Fam. J.; Loefstop, Annie; Lo-Fo-Wong, Alwin S.; Lopez, Ina; Luydens, Aquiles.

M. Maduro, Agatha (p.w.); Maduro, Familie; Maduro, Malita i Fam.; Maduro, L.; Maduro, P.; Maduro, Rubia; Maduro, Veronica; Magnus, Ludwig; Manneh. Jose; Manuela P.A. (2st); Martin, Herman Jozef; Martin, Mary; Mauricia, Roberto; Marval, A.R. Frank-; Martin Julia & Cia Ltda;

Martis, Juan & Fam.; Maximo, Rodriguez R.; Meclé, M.H. v/d; Medina, Fam.; Milano, M.D. Tromp-; Montsanto L.P.; Morgan, Enid (2st); McMillan, Winifred (3st);

N. Naarden, E. en Gezen; Navas, Angelica-Tromp-; Navas, Dioninon; Netherlands Antilles Electr. Corp;

O. Oduber, Arlette; Oduber, Veronique; Oduber, Fam; Ouwerker, Fam.

P. Pardo, David; Pakil, Jane; Pérez, Evis; Peterson, Camille E.; Pieterse, Fam. P.; Pieternel, Mariette; Pierre, Mrs. M.; Pieters, Efemia; Pietersz, Maria; Pinedo, Evaristo; Polanco, M.; Pom, Larry; Promes, Johannes H. (3st).

Q. Quandt, P.; Quant, Pedro T.

R. Racle, Lucy; Ramazan, Ciro H.; Ras, Anna Maria (2st); Rene, Olivia; Registe, Lixia; Richardson, Clotilde; Richardson, Susan; Rodriguez, Maximo (2st); Roseveld, O.; Ruiz, Maria.

S. Samco, Stroop and Muller Co.; Schink, L. (3drw.); Scholthen, Guillermo (2dr); Schotborth, P. V.; Schoobaar, Hubert Ramon (2st); Schriek, G. v/d; Semeleer, Fam. Giel-; Sierra, Rafael; Simons, Carolina; Simmons, Valeria M.; Sullivan, D.J.; Sullivan Trading Co.; Sniijders, Fam. Fr.; Solomon, Jane; Souza, Francisco Gomez de; Spanner, A. & Son; Strang, Adrian; Strang, Fam. E. Lemen-.

T. Tromp, A. (2st); Tromp, Angela (2st); Tromp, Angelica; Tromp, Carla; Tromp, Catalina (2st); Tromp, Delinda; Tromp, Fam.

V. Vasquez, Enith (2st); Veer,

Joannes Adrianus De-; Villa, Victor Aparicio; Villamizar, Rovertio; Vingal, Fam. S.; Visser, De Heer.

W. Wal, H.A. v/d; Wallig J. Windt, Juan Ramon de (2st); Weert, D.M.; Wever, Annita R.;

Werleman, Anna M.; Werleman, Lucinda; Wernet, Andrea; Wever, S. en Fam.; Wever, A.; Wilson, Louisa.

Y. Yanez, Elvira Fajardo.

Z. Zalm, Reina; Zambrano, Benita; Zee, Ellen M.

## Tropicaal y Jong Aruba a empata 2-2

(Di Nos Redactor Deportivo)

E oncenena di Tropicaal diasabra anochi no a permiti Jong Aruba ripiti su triunfo di e promer rond. Na e ocasion ey Jong Aruba a triunfa cu score di tres cero, pero diasabra e wega a caba cu un empate di dos gol pa banda. E empate aki sin embargo no ta refleha fielmente e wega ya cu en realidad e muchanan di Tanki Leendert tabata mas den atake cu esunnan di Noord. Debi na e dos golnan tempran anota promer cu e wega tabata tin diescincio minuut aden door di e estrella di Jong Aruba, Ange Perez, e oncenena di Noord a skapa di ser derrota ya cu despues di esey mayoria di e atakenan forma tabata di parti di nan rivalnan. E fuerte defensa di Jong Aruba mester a traha duro pa evita mas di e dos golnan cu luego a empata e wega.

Ange Perez, confirmando un biaha mas di ta e homber peligroso den e linea delantera di Jong Aruba, ta percursa pa e dos golnan di su team.

Tras di otro Tropicaal tabata forma atake despues pa busca anotacion. Shotnan di Chico Donati y Benny Brete ta worde atrapa door di e portero Mariano Tromp.

E hopi avansenan di Tropicaal no por a cristalisa den anotacion durante e promer tempo.

Halftime a bai aden cu e scoreboard marcando dos cero pa

Jong Aruba. Na principio di e segundo tempo e oncenenan ta responde atake cu atake.

Den di 8 minuut arbitro Ramon Tromp ta constata un handsbal den doelgebied contra di Jong Aruba pa un penalty den favor di Tropicaal. Defensa Pato Tromp ta cobra e bala y a anota e promer gol di su team pa pone e score na 2-1. Ora cu e segundo tempo tin 16 minuut aden a surgi un incidente durante un atake di Jong Aruba entre e rechtsbuiten Stanley Farro di Jong Aruba y e defensa di Tropicaal Toko Tromp. E dosnan aki a cambia pa boxeo y resultado di esaki tabata cu e arbitro mester a retira ambos for di wega. E dos equiponan mester a hunga e ultimo mei ora di wega cada uno cu dies homber so.

Tropicaal ta bolbe cuminsa pone presion. Durante un tiro indirect den doelgebied un shot di Danies a pasa keeper Mariano Tromp, pero referi Ramon Tromp a anula e gol.

Faltando shete minuut pa wega caba, e gol di empate ta worde anota ora cu Papacito Colmenares ta ricibi pase largo y ta rush pa pone un shot bon controla net for di alcanse di e portero. E gol aki a empata e wega na dos tanto pa banda.

Na e score aki no a bin mas cambio.

# Polis di Puerto Rico ta busca mucha qu a desaparece, riba instruccion di clarividente Hulandes, Gerard Croiset

UTRECHT, HULANDA--UPI--E clarividente hulandes Gerard Croiset, awe a confirma aki di a manda pa polis di San Juan di Puerto Rico, riba nansolicitud un carta referente na e zona na unda cadaver di un mucha perdí lo ta.

Croiset a bisa cu den su carta el a suministra detallenan riba e caso cu el a obtene como consecuencia di su presunta facultadnan di percepcion extrasensorial, y cu el a pidi pa nan mandá fotonan relativo pe, pa cu nan, e determina "si e por avansa otro paso, ya cu e labor di e clase aki ta desarrola paso a paso."

E individuo a ninga di ofrece mas informacion, bisando cu "rond mundo autoridadnan policial sa cu ora nan pidi mi cooperacion, nan por ta sigur di por lo menos un cos mi discrecion, si mi tuma e caso of no, si mi tin exito of no".

Pero si el a muestra su mes encantá di cu informenan di San Juan ta señala cu residentenan di e zona designá a keda asombrá di e exactitud di su descripcion y dibujo di e lugar, na unda nunca el a bai, di cual el ta calcula cu ta relacioná cu e mucha muher di ocho año Maria Ester Figueroa, cu a desaparece dia 17 di Juni di año pasa, den comarca di atundante vegetacion tropical.

"Esey" ta proba, Croiset a sentencia, "existencia di un fenomeno parapsicologico. Awor nos mester spera pa mira si esaki ta conduci na e fenomeno visual."

No obstante, el a añadi, polis puertorriqueño a bai demasiado leu ordenando ya un busqueda. "Te awor mi a muestra nan e punto na unda e angua ta, pero ainda ta demasiado pronto pa busca e angua."

Tambe, el a señala, "mi tin mester di informacion tocante e homber ey, prome cu mi por sigi verdaderamente adelante". Pero tampoco e kier a revela pormenor nan riba e "homber" na cual e ta referi, ni riba e papel cu esaki a desempeña den e asunto.

Segun Croiset, diariamente e ta ricibi monton de cartanan procedente di tur pais, pidiendo ayuda pa resolve un of otro misterio. E mayoría, e ta agrega, ta carece di

importancia pe, y hopi di nan ta referi na desaparicion di pushi, cacho, auto of esposa. Pero ora ta trata di perdida di un mucha of asesinato, e ta acepta na interveni. Por lo menos, e ta afirma, 350 caso a ser resolvé gracias na su participacion. Riba e famoso caso di e estrangulador di Boston, e ta asegura di a ofrece descripcion di un salon di belleza cu ya no ta existi. Tambe e ta asegura cu el a dirigi polis yugoeslavo na paradero di un persona hogá.

E ta dedicando su mes 30 año caba na practica di clarividencia. El a manifesta esaki for di tempu e tabata chikitu, segun e ta conta, pero e no a paga masha atenciony el a bira bendor. El a casa y e tin dos yiu.

Un amigu--e ta continua--a pone paga mas tinu riba su facultadnan, y for di e tempu ey e no ta ocupa su mes di otro cos.

Durante e ocupacion nazi den segunda guerra mundial, e ta señala, el a comunica datonan util na e movimiento di resistencia di Hulanda.

Na 1946 el a conoce na Utrecht un profesor di psicologia di universidad di e ciudad, Wilhelm H. C. Tenhaeff. For di e tempu ey e ta su sujeto favorito di demostracionnan di fenomenonnan di parapsicologia.

San Juan, Puerto Rico--UPI--Awe polis a efectua un busqueda den e zona montañoso di El Yunque, sigiendo instruccionnan di e clarividente hulandes Gerard Croiset, kende autoridadnan a consulta pa carta en relacion cu desaparicion di e mucha muher di ocho año Maria Ester Figueroa. Esaki a desaparece dia 17 di Juni di año pasa y tabata obheto di un intenso busqueda den verano pasa.



Chicago - Mary Jane Hunter, di 19 año di edad, ta un di e nuebe Playboy Club Bunnies quendenan recientemente a haña nan ontslag pasobra nan no tabata cumpli cu e requisitonan cu cual un Bunny mester cumpli cune. Su medidanan ta 34-22-33 y den su opinion su curpa ta basta bon pa ta un Bunny. Nos tambe ta kere mescos cune.

**PA**  
**MATERIAL MAS BARATA**  
JAMA  
**2828**  
**ANTILLIAANSE HANDEL MIJ. DAKOTA**

Salvador, Brasil--UPI--Por lo menos 36 persona a muri ora e mercado municipal di e ciudad di Guatatinga a basha abau, den proximidadnan di e capital aki di estado di Bahia.

E desastre a ser produci ayera a consecuencia di e fuerte awacerun cu a cai riba e area aki, ora e tormenta cu a causa tantu victima y dañonan material den e estadonan di Guanabara, Rio de Janeiro y parti di Minas Gerais tabata bal den direccion norte.

## CLUB BONAIRE NO TA MORTO Y LO TA DEN CARNAVAL MANERA SEMPER

SAN NICOLAS - Durante un agasajo ameno ayera tardi den e edificio di Club Bonaire, e comite cu ta encarga cu celebracion di carnaval a anuncia e actividadnan di Club Bonaire pa e carnaval di e anja aki. Den presencia di entre otro e presidente actual di e club, sr. H. Boezem, y e miembro honorario, sr. B. Albertus, e presidente di e comite di carnaval, sr. Wilson Sintjago, a declara cu -

contra di cierto rumornan- Club Bonaire no ta morto y cu e anja aki, mescos cu tabata e caso den anjanan anterior, lo e bolbe celebra carnaval na un manera grandioso, no cu auto y otro articulonnan fabulosos como premio, pero si cu e espiritu y alegria cu semper sa reina den e club durante e dianan di carnaval. Sr. Sintjago a sigi informa cu e anja aki lo no tin bendemento di voto pa eligi e reina di e club. Cada persona cu asisti na e actividadnan di e club, lo ricibi un kaarchi cu cual nan por vota riba e candidata preferi.

Portret di e candidatanan lo ser poni na entrada di e club.

Dia 29 di e luna aki e candidatanan lo worde presenta personalmente na publico durante un baile. E dia siguiente lo tin carnaval di mucha cu eleccion di e reina infantil. Tambe lo tin un parada alrededor di e club. Lo

tin musica "shindig" pa alegra e ambiente.

Dia 6 di februari lo tin otro baile den e club.

E "Old Mask Parade" na San Nicolas, dia 8 di februari, lo termina den Club Bonaire, despues di cual lo tin oportunidad pa balla.

Dia 10 di februari un "bingo-drive" lo worde teni cu e intencion pa hanja fondo pa celebra carnaval. Dia 12 lo tin otro fiesta y e dia siguiente tin oportunidad pa "shindig" atrobe.

E carnaval di Club Bonaire lo worde clausura dia 19 di februari cu un baile di disfras.

Durante e parada grandi na San Nicolas y esun na Oranjestad, Club Bonaire lo presenta cu un grupo di maso menos cien hende.

E comite di carnaval di Club Bonaire, ta consisti di e siguiente personanan: Wilson St. Jago, presidente; Ferdinand Moore, vice-presidente; Doel Evertsz (secretario); Herber t Dirksz, tesorero; y miembronan: Sras, Iris Alders, Dolores Arends, Annie Nicolaas, srs. Hubert Booy, Tommy Bernabela, Elsie Beukeboom y sra. Elsie de Kort.

## NOVIA DI PELE NO SA NADA DI FUTBOL

RIO DE JANEIRO--UPI--E novia di Pele no por distingui un corner for di un penalty, segun a ser bisa pa su futuro esposo, den un entrevista cu a ser publica ayera.

E famoso hungador di e equipo Santos nunca no a concede entrevista, pero a cai pa dos bunita reportero femenina di e corant Jornal do Brasil, quende a papia cunele den un huki di un restaurant di e aeropuerto. "Di con Rosemary no ta aki?" un di e damanan a puntrele, Clotilde Hasselman.

"Pasobra e no ta compronde nada di futbol", Pele a contesta, cu a sali pa Abdjan, na Costa de Marfil, Africa. E ta prefera di keda cas wardami. E otro reportera a puntrele: "Ki lo e tin cu otro mucha muher no tin?"

"Mi no sa. E ta e prome mucha

muher cu mi a conoce bon". Pele a duna como contesta.

Pele di 25 anja, cu a hiba Brasil na dos campeonato mundial y su equipo na un titulo mundial ta compromete cu Rosemary dos Reis Cholbi di 20 anja di Santos su ciudad natal.

Pele ta un di e atletanan mas ricu di mundo, el a agrega cu varios scout ta busquele pa cumpra.

Catania, Italia--UPI--E erupcion di lava di Etna ta parce di a stop, segun cientificonan a informa awe.

E volcan, di 3,350 meter di altura, tabata ronca den un continua serie di explosion y tirando lava pa su crater nordeste.

E cientificonan, cu ta den constante alerta riba e actividadnan di Etna, a informa cu e lava a cubri casi dos kilometer, pero cu awor e erupcion ta parce di a stop por completo.



NUEVA DELHI--Sefiora Indira Gandhi, prome minister nobo di India, ta conferencia cu Chester Bowles, embahador norteamericano na India. Bowles a felicita sefiora Gandhi cu su sucesion como prome ministra di India cu tin 480 millon habitante. Radiophoto UPI.

# HOROSCOPO

**ARIES** (mar. 21 a bril 19)  
Las horas del día están libres para que haga cualquier cosa que desee, pero no trate de ser exigente con nadie esta noche o tendrá problemas. Manipule como es debido las actividades de la noche.

**VIRGO** (agto. 23 a sept. 22)  
Hacer algo bondadoso para una persona que usted estima es bueno, pero más tarde cerciórese de ayudar también a una persona que lo necesita. Trate de no entrar en discusiones con nadie.

**LIBRA** (sept. 23 a oct. 22)  
Es aconsejable que termine cualquier proyecto comenzado recientemente con su socio. Pero no sea demasiado exigente más tarde o suscitará un antagonismo. Haga los servicios públicos con habilidad.

**ESCORPION** (oct. 23 a nov. 21)  
Es imperativo que termine todo el trabajo acumulado delante de usted. No se olvide de mejorar su vestimenta, así como su salud. Ponga sus ideas a trabajar. Sea razonable.

**SAGITARIO** (nov. 22 a dic. 21)  
Un comienzo bien temprano en su

trabajo es necesario para que entonces tenga más tiempo para hacer alguna cosa buena para sus amigos. Trabaje armoniosamente con sus compañeros.

**CAPRICORNIO** (dic. 22 a ene. 19)  
Si piensa cuidadosamente podrá mejorar las condiciones en su hogar muy rápidamente. No continúe discutiendo con su pariente. Cualquier cosa que sea adversa a sus intereses puede ser solucionada ahora.

**ACUARIO** (ene. 20 a feb. 18)  
Cualquier trabajo de rutina puede hacerse con mayor eficiencia ahora. Después podrá descansar. Pongase al corriente en la correspondencia. Eso es importante también.

**PISCIS** (feb. 19 a mar. 20)  
Cierta persona en los negocios o un banquero puede serle muy útil para sus inversiones. Pero cerciórese de no invertir tontamente. Conserve su seguridad presente.

## ARAWAK RESTAURANT

en frente di Aruba Caribbean Hotel

\* Habri tur dia for di 4-12<sup>or</sup> di anochi.

\* Sabroso Hamburger, hotdog, chicken in the basket, etc. etc.

\* MIDGETGOLF F. L.-- pa wega

TUR HENDE TA BONBINI  
Diamars nos ta será

## CANDELA TA AMENAZA EMPRESA DI SHELL

MILAN, ITALIA--UPI--Un candela, cu a cuminsa ayera den algun almacen banda di e ciudad aki a amenaza un refineria di

petroli di e empresa Shell, ubica den e proximidadnan. Dos homber a muri entre evlamanan y un a resulta cu heridanan grave. E candela a cuminsa ayera main ta den algun deposito construi di palu, segun ta parse, ora cu un calentador di gas a explota. E bomberonan y polisnan a drenta den accion pa impedi cue candela lo extende ne instalacionnan menciona y ocasiona un desastre di mayor proporcion. E candela a ser paga despues di cinco ora di labor.

LABA? DRYCLEANING?


## 'SUPERCLEANING'

van Galenstraat 4, San Nic. Aruba.  
tel. 5039 & 5558

Nos ta busca y entrega Bo panjanan. Bachi, carson, camisa, shimis, etc.

### CISCO KID

**LEO** (jul. 23 a agto. 22)  
Aunque a usted le gustaría estar con otras personas, trate de no arredarse peligrosamente en asuntos que no entiende. Inspírese continue con sus propias ideas.



## PIEZA PA AUTO

Pa tur marca Europeoy Americanoll



Pieza di primera calidad pa:

- \* TAUNUS
- \* FIAT
- \* VOLKSWAGEN
- \* MORRIS
- \* OPEL
- \* CHEVROLET
- \* PLYMOUTH
- \* FORD

1 mucho más  
Compara nos prijsnan  
**ARUBA TRADING COMPANY**

San Nicolas: Tel. 5123  
Cerca di Lago main gate

PEPITA pa cortesia di NEME IMPORT & EXPORT CO. agente di



"E auto cu estilo completo ta bini di FORD



# E YIU MUHER DI UN CONDE

"Traha serca nos!" Esey kier meen cu e homber no sa nada andá, cu Evy ta su jiu muhe. Esey ta baronesa van Stauffen. E amistad entre e dos personanan aki ta existi di tempu cu Evy tabata traha y cu e ta bay ciudad. Su sol "Con bo di?" Condesa Marie-Louise ta puntra, manera un hende cu no a comprende. "Cu ken mi ta papla, or favor?" Andreas ta bira furioso. Porfin el a haya coneccion awor nan ta haci mescos cu un empleado no por ricibi ni siquiera un combersacion for di extranheria. "Mi ta un bon cooci di senjorita Evy," e tabisa. Mi a studia na Alemania y mi mester a bay Merca inesperá. Mi kier splica senjorita Evy e motibo. E no ta duna contesta loba mi cartanan." E Condesa cuminza comprende. "Si senjorita Evy no ta contesta bo carnanan, esey ta mas cu un prueba, e no tin gana di haci. Esey ta muestra, cu e kier kibra tur relacion cu bo. Y ademas senjorita Evy no ta traha mas serca nos." Andreas ta bira furioso na linja. Por Dios, na unda e ta into. Bo no por dunami su adres? Mi no por bin bek actualmente, mi

tin mucho trabou pendiente pa haci E ta kere, cu mi a bay sin spliké, ki motibo mi partida tabata tin. Por favor dunami, su adres." E Condesa tin e telefoon duro teni. Ta esaki ta culpa di Evy su mulesa. Y Leopold? E ta bira furioso. "Wel, mi no por dunabo su adres," e ta contesta lentamente. "Y ademas mi kier pidibo pa no molestia nos mas cu bo jama danan. Y nos no tin ningun interes den bo amistad cu senjorita Evy. Pasa bon anochi." Andreas ta cuminza grita. "Hallo! Hallo! Por favor!" Pero e no ta haya contesta. E ta bolbe sera e telefoon. Kier meen cu Evy nota traha serca e hendenan ey mas, pa kende e mester sconde cu eta topa cu né. Andreas ta tapa su cara cu su mannan. Evi! Estaliefetabata. Esta encantadora. Yen di temperamento. Su curazon ta bati duro, ora cu e pensa riba su sunchinan y riba e ultimo anochinan juntu. Despues di un rato, e ta saca su pocket-book, den cual e tin e number di telefoon di Evy skirbi. Evi a yega di duné si acaso e mester di dje poco urgente. Pero solamente si ta extractivamente necesario, e por haci uso di e number ey y sola-

mente bandi atardi entre dos y cuatro, como cu e ora ey tur ta descansando y e por bin coy e telefoon. Nunca el a haci uso di e number ey. E ta jama oficina di informacion na telefoon. E ta pidi nan pa duné adres di e persona cu tin e number di telefoon ey. Despues di casi mey ora, nan ta bisé cu e number di telefoon ey ta pertenecé na Conde Karl-Dietrich van Stauffen di castillo Stauffenberg. Andreas su man ta cuminza tebla. Evi abisé cu su faam ta Stauffen. E ta coy su cabes tene den su mannan. Evi lo ta un famia pover di e Conde rico aki anto, y kende ta probecha di su pobreza di lagú traha pé. E ta purba comprende. Na Alemania algo asina ta existi ainda. Te ainda. Ayenan tin hende mucho orgulloso, pero alaves masha pichiri tambe. Pover Evi. E siguiente dia el a sali bay tuma informacion di henter e famia van Stauffen. Y entretanto el a keda spera. Si en berdad Evi ta stimé, lo e skirbié. Adeamas e tin su adres tambe.

XXXXXXXXXX  
Despues di algun dia, Andreas a ricibi informacionnan cu el a pi-

di. Rapidamente e ta cuminza lesa e nombrenan di e miembronan di e familia. Tur tin nombrenan di nobleza bjeuw, Conde, principe, hasta un prinses. Famia Stauffen ta posee fincanan masha grandi, pero nan no kier bendenan, pa motibo di e nomber bjeuw y e consideracion. No tabata tin mucho placa en efectivo, como cu e famia a biba un poco di mas na grandi. E famia di Conde van Stauffen ta goza di hopi bon nomber ainda. E jiu homber Eberhard, binti un anja di edad, ta studia derechonan. E jiu muher Evelyn Margitta Louise Constanze van Stauffen a caba di comprometi cu Conde Leopold van Wengern, un poseedor di finca masha rico y industrial. Y di e manera aki e situacion financiero di e famia a bolbe estableci. Andreas a keda manera hende cu a haya un mep. Evelyn a comprometi cu un Conde. Pa motibo di placa. Ta pesey nan ta papia asina cu né na telefoon, y ta pesey cu e no ta contesta su cartanan. Evelyn a estableci e situacion di e famia. Andreas ta cuminza hari amargá. E ta hari y ta cana bay na e bar. E ta jena un glas cu whisky y ta bebedi un solo golpi. Estableci! Cuanto e ta odia

e palabra ey! Manera cos cu e tambe no por....Atrobe e ta jena su glas. Naturalmente, e tambe por a spaar dos of tres millon, pero mas cu esey?.....Kizas Conde Leopold tin mas hopi cu esey. Y ademas e tin titulo tambe. Y esey é no tin. Su nomber ta simplemente: Andreas Konstantin Peterson! Cu bofon e ta cuminza hari y atrobe e ta jena su glas cu whisky. "Mihor bo no sigui bebe asina," e ta tende un stem ta bisa su tras. "Nunca whisky a jega di resolve un problema trabahoso den e mundo aki." Tabata tanta Mimi, kende a cana jega serca. "Bo mamata drumi, y mi tabata tin gana di papia cu un hende." Andreas ta pone su glas bek riba e bar. "Bo tin razon, tanta Mimi. Dispensami. Manera semper bo ta e espirito bon di e cas aki." Tanta Mimi ta cay sinta den un sofa grandi, estilo bjeuw. "Kiko bo tin? Problemas? Tristeza di amor?" Andreas su cara ta bira corra. "Pakiko?" Pasobra ora cu un homber ta bebe whisky na e manera violento ey, casi semper e tin algun molestia di su curazon.

**RIP KIRBY**

Agente exclusivo di

**FRIESCHE VLAG**

lechi evaporado y lechi en polvo

**MAXWELL HOUSE KOFFIE**

pa cortesia di:

**JAN BODEGOM & CO (ARUBA) N.V.**



Derechos Reservados.

**FOR CUMPRÁ ARUBAANSE COURANT NA E SIGUIENTE LUGARAN:**

**NA ORANJESTAD: BOEKHANDEL MARIKA, PIET SODA FOUNTAIN, REFRESHERIA INGRID**

**NA SAN NICOLAS NICOLAAS STORE UNION STORE.**

- 7.00 La Biblia Abierta
- 7.15 Noticias Español
- 7.25 Llamada a la Conciencia
- 7.30 World News
- 7.45 Christian Emphasis
- 7.50 Bo Musica Favorito
- 8.15 El Camino de Victoria
- Joyas del Hogar
- 8.30 Ultimas Noticias
- 8.45 El Pan de Vida
- 9.00 Mundo Femenino
- Gymnasia
- Joyas del Hogar
- Canta Leo
- 9.15 El Sendero de Vida
- Canticanan di Evangelio
- Corazon a Corazon
- 9.30 Morning Melodies
- 10.00 The Bible For You
- 10.05 Band Music
- 10.15 Organ Melodies
- Thoughts on Home
- Sacred Songs
- Gospel Bells
- Sacred Classics
- 10.30 Through the Bible
- Songs That Touch The Heart
- 11.00 Chapel of the Air
- 11.15 Delicados Pastos
- Canticanan di Evangelio
- 11.30 Melodias di Merdia
- 12.00 Ultimas Noticias
- 12.15 Musica Sagrada y Meditacion
- Sacred Music & Call of Calvary
- 12.30 World News
- 12.45 Quiet Time
- 1.00 Radio Concert Hall
- 2.00 Reading Room
- Hour of Decision (repeat)
- 2.15 Quiet Hour
- 2.30 Dr. Barnhouse and the Bible
- Bible Study Hour
- 3.00 Ensueños Musicales
- 3.30 La Hora Bautista
- Control Central
- Bo Pregunta Contesta
- Prosa Y Poesias
- Vida Nueva
- Titanes de Fe
- 3.45 Academia Cristiana
- Melodias del Alma
- 4.00 Musica di Banda
- 4.15 Ultimas Noticias
- 4.30 Listening Post
- Fun With Music
- 4.45 Sailor Sam
- Muchanan pa Cristo
- Children's Gospel Hour
- Fun With Music
- Music BOX
- Hobentud Pa Cristo
- 5.00 Vertel Uurtje
- Canta Leo
- E Ora Aventuroso
- Melodias del Alma
- Informacion di Gobierno
- 5.15 Palabranan di Bida
- 5.30 Ecos del Cielo
- La Voz del Evangelio
- 5.45 Musica Sagrada
- 6.00 Nederlands Nieuws
- 6.15 De Groene Weide
- Christelike Liederen
- Christus tot de Volkeren
- der Aarde Gebracht (berhaling)
- Voor Zijn Glorie
- Windows on Holland
- 6.30 World News
- 6.45 Lagr Hour
- Baptist Hour
- Miracles
- Musical Interlude
- Haven of Rest
- Issues in the News
- 7.00 Organ Hymns that Live
- Sacred Songs
- 7.15 Off the Record
- 7.30 Miracles and Melodies
- Bible Time
- Light and Life Hour
- Haven of Rest
- Unshackled
- Showers of Blessing
- 7.45 Psychology for Living
- Look Up and Beyond
- 8.00 Musical Gems
- 8.30 Back tot the Bible
- 9.00 Klasiieke Muziek
- 9.15 Dagsluiting
- 10.00 Sign Off

**DICK TRACY**

presenta pa cortesia di:

**VICTORIA BOTTLING COMPANY**

**PEPSI-COLA---SEVEN UP---GRAPETTE-KIST--- VICTORIA SODA WATER--- BUFFALO ROCK--GINGER ALE**




**BUCHI ROBES**

pa cortesia di

**PIET'S SODA FOUNTAIN**

Tel. 2123.

E mhor adres pa snacks, tur clase di dushi, softdrinks, ice-cream y revistas!



**LESA ARUBAANSE COURANT**

**BOTICA DI WARDA**

NACHTDIENSTEN: Oranjestad Botica Del Pueblo Tel: 1253-2154 San Nicolas Botica San Lucas Tel. 5119.

**VOZ DI ARUBA**

- 5.57 Apertura
- 6.00 Wake up easy (Country music)
- 7.00 Escala en Mejico
- 7.30 Noticias (Papiamento)
- 7.45 Monitor 1325
- 8.15 Noticias (Ingles)
- 8.30 Regalo Musical
- 10.00 Novela
- 10.30 Fantasia Musical
- 12.00 Musica Europea
- 12.15 Noticias (Hulandez)
- 12.30 Noticias (Papiamento)
- 12.45 Melodias Instrumental
- 13.00 Noticias local (Papiamento)
- 13.15 Artistas Antillanas
- 14.00 Via 10 musical
- 15.45 The chatter platter
- 16.15 Noticias (Ingles)
- 16.30 Complacencias felicitaciones
- 17.00 Ban Econ. Cump. na La Esperanza
- 17.30 Deporte na Marcha
- 17.45 Atardecer Musical

- 19.00 Noticias (Papiamento)
- 19.15 A.B.C. Der Cultuur
- 19.30 Turntable 65
- 20.30 Voz di Aruba Safe Driving Car Club
- 23.00 Clausura.

**RADIO KELKBOOM**

- 7.00 Opening
- 7.02 Bon dia cu alegria (Inst.)
- 7.30 Noticia Internacional
- 7.45 Musica Matutino
- 8.00 Seleccion musica Latino Americano
- 8.30 Cumpleanjos Feliz
- 9.00 Noticia Social
- 9.15 Peticion pa telefoon
- 10.00 Noticia Internacional
- 10.10 Intermedio musical
- 10.30 Programa di N. Habibe Jr.
- 11.00 Noticia Lokaal
- 11.10 Intermedio musical
- 11.15 Musica Antillana
- 12.00 Intermedio musical
- 12.15 Noticia Internacional
- 12.30 Musica Norte Americana
- 12.45 Noticia Lokaal (Viana)
- 1.00 Musica Varia
- 1.30 Mei ora cu Boleros
- 2.00 Musica pa cortesia di Colgate Pal.
- 3.20 Peticiones
- 3.15 Ritmos Latinos
- 3.45 La Macorisana & Internacional Supermarket
- 3.55 Musica cu sabor Azteca
- 4.30 Noticia Lokaal (Heineken)
- 4.45 Cocktail Musical
- 5.00 Musica pa Teenagers
- 5.30 Musica Varia
- 6.00 Noticia Deportiva (Gillette)

- 6.15 Musica Varia
- 6.30 R.V.D. Regering V. Dienst
- 6.45 Musica para la Cena
- 7.00 Musica Europeo
- 7.45 Musica Norte Americana
- 8.15 Musica pa Cortesia di Colgate Pal.
- 8.45 Variacion musical
- 9.00 Programma di Voice of America
- 9.15 Variacion Musical
- 10.00 Sluiting

**RADIO ANTILIANA**

- 5.30 Apertura y Oracion
- 5.35 Manianita Arubanas
- 5.45 Melodias di Wild West
- 6.10 News in English
- 6.30 Noticia na Papiamento
- 7.00 News in English
- 7.30 Noticia na Papiamento
- 7.45 Programa di Jule Nieuw
- 8.00 Espacio pa un Ritmo Criollo y un poesia
- 8.10 Variedad Musical
- 8.30 Musica y consejo dedica na tur nos amigonan automobilsta
- 9.00 Noticia na Papiamento
- 9.15 Musica Norte-Americano
- 9.30 Mejico cantando via Radio Antiliana
- 10.00 Intermedio Musical
- 10.10 Noticia na Ingles
- 10.20 Programa di La Macorisana & International Supermarkets
- 10.40 Momento di Ritmo
- 11.00 Tur dia otro programma
- 11.00 Musica Colombiana
- 11.15 Voznan Popular
- 12.00 Oracion di merdia

- 12.03 Seccion Informativo
- 12.20 Noticia na Papiamento
- 12.30 News in English
- 12.45 Capsulas En Orbitas alrededor di Mundo Deportivo
- 1.00 Noticia na Papiamento
- 1.20 Fiesta Calypso
- 3.00 Musica Norte-Americano
- 4.00 La Esperanza y su Obsequio Musical
- 4.30 Variedad Musical en Complacencias
- 5.00 Noticia na Papiamento
- 5.30 Calypso Rama - Budweizer
- 5.45 Musica Chevere
- 6.00 Variedad Musical
- 6.15 Musica Colombiana
- 6.30 Noticia na Papiamento
- 6.45 Variedad Musical
- 7.00 Felicitaciones y Complacencias eticiones
- 7.45 Programa di Jule Nieuw
- 8.00 Programa di Club Bonaireano - Club Surnam
- 8.15 Continuacion di Fel. y Compl. Peticiones
- 8.30 Reddy Kilowatt
- 9.00 Desfile di Exitos
- 10.00 Anioranzas
- 10.30 Impactonan Musical
- 11.00 Melodia y Romance Musical
- 12.00 Clausura

**RADIO VICTORIA**

- 6.00 Apertura & Musica di Banda
- 6.15 E Bijbel Habri
- 6.30 Ultimas Noticias
- 6.45 Peticiones